


書青城宮玉臺館主降天地之高真幽顯之  
 玄靈助行大化以唱三境之仙宗字皆廣長  
 一丈天真皇人昔書其文以為正音有知其  
 音能齋而誦之者諸天皆命化炁仙王下觀  
 其身書其功勤上奏諸天萬神朝禮地祇侍  
 門大勳魔王保舉飛升道備克得遊行三界  
 升入金門此音無所不辟無所不攘無所不  
 度無所不成天真自然之音也故誦之致飛  
 天下觀上帝遙唱萬神朝禮三界侍軒群祇  
 束首鬼精自亡琳琅振響十方肅清河海靜  
 默山嶽吞煙萬靈振伏招集群仙天無氛穢  
 地無秋塵冥慧洞清大量玄玄也

高上仙王降真之符



元始无量度人上品妙經卷之二十三

靈寶无量度人上品妙經卷之二十四 四

神變氣化品

道言昔於太素天中皓景霄虛空曜土受  
 元始度人神變氣化无量上品

元始天尊當說是經周回十過以召十方始

當詣座天真大神上聖高尊妙行真人無鞅

數眾乘空而來碧虛扇霞鳳與瓊輪綠蓋華

軒流彩降霄八景交輝洞煥太空三日三夜

諸天玉籙寶光上照玄都宮闕森羅元綱臺

觀朗然徹見劫仞巍我飛輪煥赫一國地土

山川林木緬平一等無復高下土皆作瑞玉

無有異色眾真侍座

元始天尊玄坐空浮神化萬炁寶闕之上說

經一通諸天大聖同時稱善是時一國男女

知道變化悉由神炁乃至天城紫殿碧閣黃

房萬聖千真皆是神變法身氣化真境說經

二遍金龍吐雲寶臺千柱說經三遍震霞散

縷結空成字說經四遍大音輕震甘露敷和

說經五遍地發寶蓮萬葉凝光說經六遍玉

京金闕神輝洞虛說經七遍萬神混一出有

入無說經八遍神氣變微秋毫同體說經九  
 遍地獄消滅死魂受生說經十遍神變氣化  
 洞入太冥是時一國是男是女莫不傾心皆  
 受護度咸得長生

道言是時元始天尊說經一過東方无極无

量品始陽大神無鞅之眾浮空而至說經二

過南方无極无量品炎輝大神无鞅之眾浮

空而至說經三過西方无極无量品少陰大

神无鞅之眾浮空而至說經四過北方无極

无量品太一大神无鞅之眾浮空而至說經

五過東北无極无量品保鎮大神无鞅之眾

浮空而至說經六過東南无極无量品通生

大神无鞅之眾浮空而至說經七過西南无

極无量品冲厚大神无鞅之眾浮空而至說

經八過西北无極无量品運關大神无鞅之

眾浮空而至說經九過上方无極无量品主

變大神无鞅之眾浮空而至說經十過下方

无極无量品持化大神无鞅之眾浮空而至

十過周竟十方无極變化大神一時同至一

國男女傾心歸仰雖未聞法各悟三界十方

諸天高真乃至宮殿臺觀未有一名不從神變氣化而有今觀天尊真王宣真演道聖容煒煥光徹諸天无量世界一一國中各有天尊真王宣演大法故知神變無窮氣化無極我等今身色相振塵動轉音影皆是神變氣化所成來者億量無執之衆廷國一半土皆偏陷非可禁止於是元始示現神氣變化之道從玄坐起躡身虛空高齊劫初在飛雲浮景之上去地千丈元始登引天真大神上聖高尊妙行真人十方無極變化大神無教數衆俱入浮景之中天人仰看惟見勃勃從虛空中入既入空內不知所在國人靡散地還平正無復歇陷元始即於飛雲浮景之上說經都竟衆真監度以授於我當此之時喜慶難言法事粗悉諸天復位倏歎之間寂無遺響是時天人遇值經法普得濟度全其本年無有中傷傾土歸仰咸滅有心極妙極玄極洞極真極化極用極變極通極神極靈心悟至道合體虛明齊同慈愛異骨成親國安民豐欣樂太平經始出教一國以道預有至心

宗奉禮敬皆得度世

道言元始天尊說經中所言並是諸天上帝神變氣化內名隱韻之音亦是真王內諱變化百靈之隱名也非世之常辭上聖已成真人神氣通玄能悉其章誦之十過諸天遙唱神氣合應變化倏忽河海山嶽俄爾亡存日月璇璣周流隱顯神之所變萬聖齊臨則群魔束形鬼精滅爽氣之所化則回屍起死白骨成人至學之士誦之十過則神變五帝氣化三界魔精喪眼鬼秋滅爽濟度垂死絕而得生所以兩者學士穢氣未消體未洞真召制十方威未制天政德可伏御地祇束縛魔靈但却死而已不能更生輕誦此章身則被殃供養每禮門戶興隆世世昌熾與善因緣萬災不干神明護門斯經每步玉京度人无量為萬道之宗魏魏大梵德難可勝道言凡誦是經十過諸天齊到神感氣會變化自然不同起心作諸幻妄神氣混合無道不生億曾萬祖幽魂苦爽皆即受度上昇昧宮格皆九年受化更生得為貴人而好學至

經功滿神變德就氣化皆得神仙飛昇金闕遊宴玉京也上學之士修誦是經神氣鍊化皆即受度飛昇南宮世人受誦神不去身真氣內管則延壽長年後皆得作屍解之道魂神暫滅不經地獄即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝王童玉女各二十四人營衛神文保護受經者身

道言正月長齋誦誦是經神變發生氣化數榮內景煥彩玉雲結城為上世亡魂斷地速役度上南宮七月長齋誦誦是經神變道體內景明潔神嬰正位身得神仙諸天書名黃錄白簡削死上生十月長齋誦誦是經神變深密氣化安寧內景齋仙遊宴玉華為國土帝主安鎮國祚保天長存世世不絕常為人君安鎮其方民稱太平八節之日誦誦是經神變順常氣化循經內景調銜金池玉露得為九宮真人本命之日誦誦是經神變九宮

氣化九真混一自然與帝同盟魂神澄正萬  
氣長存不經苦惱身有光明三界侍衛玉帝  
司迎萬神朝禮名書上天功滿德就飛昇上  
清

道言行道之日皆當香湯沐浴齋戒入室  
東向叩齒三十二通上關三十二天心拜  
三十二過閉目靜思身坐青紫白三色雲  
氣之中內外蒼冥有青龍白虎朱雀玄武  
軒子白鶴羅列左右日月照明洞煥室內  
項生圓象光映十方次思太空之中洞真  
神氣如紫光雲舟來覆兆首雲氣彌室  
內有萬神森然如視目中瞳子對兆面前  
次思兆九竅氣出如白煙煙雲右旋纏繞  
兆身象罔之中紫雲白煙亘遍天地良久  
覺見己身肝中有碧玉官殿中有神人衣  
青龍華羽之服口中吹氣成風吹此雲氣  
左回約九九數周乃見空中所存來者萬  
神與兆身中百神合為一身狀如嬰兒纏  
衣錦裳對兆面坐聽兆誦經訖還入兆口  
中上泥丸中畫面向外夜面向內此為神

變氣化之道如此分明審呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前

引蒸三十二過東向誦經

元始无量度人上品妙經

元始洞玄靈寶本章神變氣化上品回混度  
人百魔隱韻離合自然洞空無形神氣為真  
神非恍惚氣非氣氣是道妙本於空為神太  
空為氣神生萬神氣生萬氣萬神歸一萬氣  
合一萬之變神為道機氣為道樞機變樞  
化三界乃生元始祖神變生萬真元始祖氣  
化生諸天開明三景是為天根上無復祖惟  
道為身神變亦書氣化玉文五文開廓普植  
神靈無文不先無文不明無文不立無文不

成無文不度無文不生是為大梵天中之天  
變化生成鬱羅蕭臺玉山上京上極无上大  
羅玉清眇眇劫切若亡若存三華離便大有  
妙庭金闕玉房森羅淨衆神霄梵炁周四十  
方中有神變氣化之神中有南極長生大帝  
君中有度世司馬大神中有好生韓君丈人  
中有南上司命司錄延壽益算度厄尊神回  
骸起死无量度人今日校錄諸天臨軒  
東方无極飛天超玄神王長生大聖无量度  
人  
南方无極飛天升炎神王長生大聖无量度  
人  
西方无極飛天易皓神王長生大聖无量度  
人  
北方无極飛天生神神王長生大聖无量度  
人  
東北无極飛天司變神王長生大聖无量度  
人  
東南无極飛天主化神王長生大聖无量度  
人

4-124 10

西南无極飛天遷氣神王長生大聖无量度人  
 西北无極飛天揆質神王長生大聖无量度人  
 上方无極飛天至有神神王長生大聖无量度人  
 下方无極飛天妙無神王長生大聖无量度人  
 十方至真飛天神王長生度世无量大神並乘玉虹萬寶之輿結綠千真遊玄之車泛蓋旋羽駢駕丹鳳九色真龍建召神攝氣變化之節三元回命保生靈攝前誅洞文齊唱後吹部曲同音獅子白鶴嘯歌噫噫五老啓途群仙翼轅億乘萬騎浮空而來傾光回駕變化度人諸天丞相南昌上官韓司主錄監生大神神變天司明令四張氣化神人據位持兵執籙把籍齊到帝前百億變化神氣自然官府在左刑罰著邊隨所應度嚴校諸天普告三界无極神鄉泉曲之府北都羅鄴三官九府十二河源上解祖考億劫種親疾除罪

薄落滅惡根不得拘留逼合鬼群元始符命時刻昇玄北都寒池部衛形魂制魔保舉度品南宮死魂受鍊仙化成人神氣無窮變化無終無極神鄉變化所從神氣合空無所無容十方皆變一神混同十方皆化一氣普通變化生身身受度劫劫長存隨劫輪轉與天齊年保度三塗五苦八難超凌三界逍遙上清上清之天天帝洞輪無色之境梵行

東方八天  
 神變九真天 帝梵靈虛泉  
 角應震生天 帝京繼靈虛  
 曲真啓元天 帝混哥迎隆  
 曆陳蒼華天 帝明耀芒  
 動綠仁宥天 帝閣龍景盈  
 嶽判紀靈天 帝述蘭棲  
 翠闕寶輝天 帝飛英預嘉  
 綠粹秀和天 帝離如松公  
 南方八天  
 薰微炎照天 帝奮運通  
 陽光混虛天 帝寶主輔元

南王化闕天 帝部俞慶言  
 耀景丹靈天 帝祖簡舉猷  
 朱明景平天 帝伯舉冲幾  
 安變澤神天 帝曜華奉靈  
 龍變慶元天 帝廓都良  
 赤氣定初天 帝平披昌  
 西方八天  
 雲極素靈天 帝正寶仙明  
 正化觀行天 帝時保基常  
 帝靜順康天 帝滋殊聿光  
 竺珞道封天 帝崇真真墟  
 晶明虎寶天 帝象日回景  
 思度逸冲天 帝祝郭友  
 太瑤葆存天 帝道鑿冲升  
 感羽浩名天 帝極那輪  
 北方八天  
 紫度靜明天 帝忱伯次恭  
 句魂除邪天 帝尾房忌侯  
 正察高玄儀昊 帝島基錄開  
 玄符虛轄天 帝密觀赴靈

1011A 2-1

樓蘭國露神天 帝起玄濟昏

鍾陽溟混天 帝曾微子都

治化政安天 帝寂浩素覺

賀洞空九常天 帝本先希先

三十二天三十二帝諸天隱諱諸天隱名天

中空洞自然靈章諸天隱韻天中之音天中之尊天中之神天中大魔天中之靈神和氣合變化上清元量之與深不可詳數落神真普度天人今日欣慶受度歷關諸天神變萬真請滅三惡氣化百靈斬絕地根飛度五戶名列太玄真王監舉無拘天門東斗運機西斗司氣北斗玄樞南斗生神中斗混合總監衆靈神變五帝下領天人青帝施仁白帝明義赤帝司禮黑帝生智黃帝主信萬神無越青神魔王拘魂定華赤神魔王守神立慧白神魔王定魄蕩穢黑神魔王溺邪安正黃神魔王總監萬氣五神真魔萬靈之宗飛行鼓從氣化神兵魔懷持節遊觀太空神變赫弄諸天弄功上天度人嚴攝北鄴神王受命普掃不祥收神攝氣變化飛仙金精吐毒天馬

四張神兵前驅流煙八衝敢有干試拒遏上真金錢前戮巨天後刑屠割鬼夷風火無停千千截首萬萬窮形魔無千犯鬼無秋精三官北鄴明檢鬼營不得容隱金馬驛呈普告無窮萬神咸聽三界五帝列言上清

天元洞極生化無窮眇眇億劫混沌之中上無復神下無復氣風澤洞虛極變玄玄生為神神薄氣真氣為神子神為氣母神氣合一萬變可取萬變萬化金剛乘天剛風為氣風動為神動生知識梵氣為身神變氣化三界自成陽神為天陰氣為泉無極無色泉極無淵神氣冥冥地藏為天天上天下無幽無冥無形無影無極無窮神降氣升流精鬱家溟滓大梵遠廓無光赤明開闢運度自然元始安鎮敷落五篇赤書玉字八威龍文保制劫運神氣長存梵氣彌羅萬範開張元網流演三十二天輪轉無色周回十方神氣普運四達皇皇旋斗歷算回度五常三十五分總氣上元八景冥合氣入玄玄中太皇上帝高真亦從神氣變化生成泛景太霞嘯詠洞

章金真朗郁流響雲營玉音攝氣靈風聚煙紫虛鬱委神氣回旋變化陰陽輔翼萬仙千和萬合自然成真真中有神神中有氣附景纏光返復氣神南極帝官長生大君無英公子白元尊神太一司命桃康合延執符把錄保命生根上遊上清出入華房八景之內細微之中下鎮人身泥丸絳宮中理五氣混合百神十轉回靈萬氣齊仙仙道貴生元量度人上開八門飛化神氣往來無窮轉此法輪罪福禁戒宿命因緣普受開度死魂生身身得受生上聞諸天諸天之上各有生門中有空洞謠歌之章真王靈篇辭參高真

第一道玄神變飛空之音  
無形無名 獨立太空 合混萬神  
變化莫窮 萬物咸賴 神運圓通  
生天生地 把握洪濛 廓散無邊  
視之無蹤 泛然自應 名曰至神  
三界仙真 諸天雲宮 神變周流  
皆由道身 此道幽秘 得之乃真  
歌此冲妙 玄中之天 中有造化

1 1 / A 175

浩劫至神 冥會福運 幹旋皇極  
萬為長存 保之勿息

第二道玄氣化真王之章

空為真氣 真氣如空 我其辨之  
與道皆同 物得之生 捨之則窮

能生者何 曰氣與神 一切諸天  
神聖人 乃至六道 諸凶鬼神

天地官府 呼吸屈伸 是皆氣化  
無逃此輪 如神守氣 千劫無傾

三界俱壞 我獨長存 九天停運  
神升太微 攜盼玉京巔 映日金華西

願參空洞歌 駕龍耕瓊芝

第三神變氣化真王歌曰

俯軼東秦 仰觀連臺 下有長樓  
劫海崔嵬 億萬里兮 超遙鑿開

嗟此大道境 攝之方寸規 神變而氣化  
妙有相徘徊 控轡玉龍駕 奔雲太清下

無鞅繡衣人 非若世幻假 神變氣化成  
千劫忘衰齒 笑爾穀仙輩 區區辨青黃

垂白無所成 咎道為不祥 自昧神氣元

不知道有方 歌此太上篇 儵然禮真王

此三界之上飛空之中真王歌音音參洞章

誦之百遍名度南宮誦之千遍真王保迎萬

遍道備飛升太空過度三界位登仙公有聞

靈音真王敬形敕制地祇侍衛送迎拔出地

戶五苦八難七祖升遷永離地官魂度朱陵

受鍊更生是謂无量普度无窮有秘上天文

諸天共所崇泄慢墮地獄禍及七祖翁

道言此二章並是諸天上帝及至靈真王隱

秘之音神變氣化杳然難名皆是大梵之言

非世上常辭言無韻麗曲無華宛故謂玄奧

難可尋詳上天所實秘於神霄玉清王府東

藏經室運應壬辰大法當傳若有至人齋金

寶質心依舊格告盟王府然後而付焉

道言夫神有不變氣有不化則為天地運度

否終日月五星虧盈至聖神人休否末學之

夫疾傷凡有此災同氣皆當齊心修齋六時

行香十遍轉經福德立降消諸不祥无量之

文普度无窮 道言夫末學道淺或仙品未克運應滅度身

經太陰臨過之時同學至人為其行香誦經

十過使神變為仙氣化為真以度屍形如法

魂神徑上南宮隨其學功計日而得更生轉

輪不感便得神仙

道言夫神變氣化神氣能變化於物非神氣

自變化也神氣剛大不可變化變而化之神

氣使之非變化神氣也神氣不和則不能變

化與物為災故曰天地運終星宿錯度日月

失明四時失度陰陽不調水旱兵災疫毒流

行兆民死傷師友命過皆當修齋行香誦經

夫齋戒誦經功德甚重上消天災保鎮帝土

下穰毒害以度兆民生死受賴其福難勝故

曰无量普度天人

道言凡有是經能為天地帝主兆民行是功

德有災之日發心修齋燒香誦經十過神氣

變化轉為福祥諸天記名萬神侍衛右別至

人尅得為真王玉府之臣左華記人功過毫

分無失玉清真王亦保舉爾身得道者乃當

洞明至言也 八天之大梵隱語无量音 道君課

元始靈書神變氣化玉篇

東方八天

明靈室寶	宛素滌滄	阿留梵明
提覺辭外	演羅丘微	對境平施
加那桂溫	毗德佑機	洞洛次禰
原襄資連	陳罔闕夏	曆數惟年
當著逸潛	蒙祺益兼	亟馳賓陀
氣不汝偏		

南方八天

秀旨峙滿	偏登球敷	炎井投枚
八道耿英	逸野駢路	崔慈柔賓
太極玄素	尤難檢敬	莽司馳微
表師覽兌	康達鈔宜	碧圓禱外
越仙恭塗	旦昌昭隨	正華玉纂
道戶秘持		

西方八天

參諱投綿	蔚羅大千	妙乙丙族
乾定曼弦	舒賽魔堂	逸變坤玄
文定柳齊	上剛思元	圓靈秘寂
部丹凝宣	略要紀呈	今商自全

靈奎狼都 竟邊普傳 浪為永儲

希天怙專

北方八天

龍托燕宮	洞庭烟沖	閣靜化極
列賓慈洪	乘聖逾棘	召倫愷攻
大藏莫莫	歷泉已穹	道度冥權
力丁霞容	冀翼房穴	軫迹幾雄
瑞廣靈約	莊地萬鋒	純澤固賢
鄙閑策空		

道言此諸天中大梵隱語无量之音舊文刻書黃臺天樞玉衡之上神變氣化以正萬天无極世界三元真皇莫不由其道知而鍊之神氣永留大劫成壞小劫生死皆為之解顏傲視之也字皆廣長一丈天真皇人昔書其文以為正音有知其音能齋而誦之者神府皆遣飛仙天人下觀其身書其功勳上奏諸天萬神朝禮地祇侍門大勳真王保舉神霄道備尅得遊行三界昇入金闕此音无所不辟無所不覆無所不度無所不成天真自然之音也故誦之致飛仙下觀上帝遙唱萬神

朝禮三界侍軒群袂束首鬼精自亡琳琅振響十方肅清河海靜默山嶽吞煙萬靈振伏招集群仙天無氛穢地無秋塵冥慧洞清大

量玄玄也

十四

十五